

武陵縣志卷四

山川

浮山縣西北九十里山狹勢東走支為羣峯堪輿家謂此乃郡治地脉之母漸水源亦出於此山谷有自然石室戶牖上有清玉壇方廣三丈又有丹竈白鹿池十八洞諸勝

陽山縣北三十里一名太陽山一名梁山綿亘數十里郡鎮山也岡巒重複攢簇蔽虧朝抱郡城潑黛縈青柱笏可攬四時侵曉常有雲氣橫鋪如幕積東則晴積西則雨以此占驗常不爽山椒有泉瀆出早暎弗竭山後飛泉倒瀉濺沫如雨溜響震人旁有古木千章枝葉交蔭寒意颼然盛夏忘暑山左行而南下則

武陵縣志

卷四

觀音橋白龍澗韓婆嶺松毛塔至故觀音寺十里而崎左行而東下則金鳳嘴鼓響坡風門洞至元真觀十里而曲右行而西下則兩碗泉十二嶺至靈泉寺二十里而遙廟前一峯里許而平土人謂之面山廟後一峯三里而峻以其形似謂之髻子峯由面山南行而西下為馬鬣嶺約數百武由髻子峯北行而東下為虎耳岩又數百武而術始盡

武陵圖經云陽山之女雲夢之神嘗以夏首秋分獻魚山上其事難以徵信惟值久雨新晴山腰時有白氣成人物之形倏然往來或如白羊三五蓋山而之類近里人又言昏夕嘗有寶光暈於崖際奕奕照人化為白毫光相有頃而滅楊嗣昌遊梁山記觀山之要有四遠觀欲得強其氣近觀欲得弱其質外觀之欲其無遮內觀之欲其善飾是故骨欲老而膚欲少也主欲幽而客欲明也觀止矣余行河北河東遙望大山青蒼小山紫翠殆若可殫逼而視之童塊耳頑疆耳此能遠而不能近者也次行秦蜀之間山尖萬點詭狀奇形致可游目顧在重

巖巖嶂之中不覩曠然城外此能主而不能客者也若夫吳山  
悠悠輕冶而乏氣楚山蒼蒼裸袒而乏飾是其土風疑然觀者  
不能無恨梁山雖小備眾美焉夫其罪魏嗟峨鬱盤險固遠而  
望之滿平端正博厚深沉方之五嶽絕類嵩高斯其氣已雄矣  
迫而察之靡顏厥理細草幽花古木蒼藤青崖綠蘚紛紛點綴  
若圖繪繡刺而成斯其質固麗也山爲一方之祖孤撐而無與  
爲敵俯瞰四周都無纖翳南面郡城如帶城中樓閣隱隱如卓  
錫瓦流九曲而過其前每一曲間首尾幾欲相就蓋如環者三  
焉善德一峯青臨水次如鬢髮而浣者遙天斷岫遠水寒波明  
滅有無莫得而悉數之矣山中之地半入藩封開國以來園陵  
相望朱門掩映碧瓦參差檜柏梧楸蒼然鬪色自馳道入山凡  
十餘里長松落落夾路垂陰行者如度幽谷飄風所過不減十  
萬軍半夜潮此尋常所未有而山陬一帶鬱鬱者三更爲佳絕  
樵歌鳥咏無間四時禱祀紛紜奔走城邑茲山之靈亦不落莫  
而獨游侶稀聞緣吾郡人故不好事一來觀者各各意滿而去  
不復發揮其勝以傾動夫丘壑人之耳目余始擬四觀以肖茲  
山之貌若挈家寶以示人而惟恐其秘必有與余求割山之半  
而迭爲長者矣周必大游陽山詩秦人溪畔漢人山萬木參天  
六月寒寫向湯沐詩集裏老僧要作畫圖看

武陵縣志

卷四

二

風門山在陽山之北山有石門凌空突兀去地百餘丈下有風洞

風將起隱隱有黑氣上升須臾揚裸振槁浸淫溪谷又山上慈

畦成行氣味甚美人欲取者先禱山神不然則不可得太平御覽風門

山一作天門山又云岩中有書數千卷人見而不可取

大龍山縣北六十里山勢蜿蜒如游龍狀故名

文殊山縣北八十里山下有應天寺寺後有雙松亭宋黃廷堅有雙松亭詩

七姑山縣北八十里相傳昔有七姑修道其上

龍巖山縣北九十里上巨石梁長可百仞一水中出觸崖翻壁聲

澈昏曉

鰲山縣北九十里一名獸齒山

白雲山縣北九十里雲根壁立爲陽山之亞 國朝陳長鎮有白雲山房在其麓

被紫山縣北七十里宋管白雲先生之墓在焉

龍門洞在縣西北六十里七坵村內因洞有石龍而名之洞有前後之殊前洞眼如箕纒而入約三丈餘始著地又下坡六七丈始至洞底內廣十餘畝中有二石柱其左數十丈外有堂宇前橫石案中宛列大士像面如滿月頭總一髻皆石乳凝成之又半里許得石坪上有小田七區土人以水之乾溢占旱潦村名七坵以此其右有沙汊三其第三汊過石田者必經之由此卽達後洞入洞內或以兩手攀緣而上爲蟻行或直身溜其內爲

武陵縣志

卷四

歟行或手足匍匐而過爲鼃行蓋歷二十餘險而後至龍窟窟旁有二潭深莫測投以石聲鏗然三面壁如削頂似旋螺裏壁石龍長丈許捫之若有鱗入一人持火一人持瓶盎承龍口久始滴一珠足以潭水乃復經重險出卽強有力者日中入更深始能出衣濡腹餒出亦無人色也有明知府王績知縣應能皆

親詣其處禱雨雨隨應

國朝知縣翁運標禱此尤神驗

附翁運標

禱雨龍門洞文四月維夏矣田猶未耕種猶未布百姓皇皇而望救者已非一日運標三禱於城隍雖施霖霖究無所補因特請命於神念我民家鮮蓋藏歲無蓄積豐年且然也歲一不收則飢寒迫而盜賊起少問父子散夫妻離耳不忍聞目不忍觀之狀皆從今日之不雨致之上帝好生其忍棄此一方民耶或者運標實不職天宜加罪於標何乃禍及於百姓爲惟爾大神主司風雨願少鑒下悃立賜滂沱以甦百萬生靈垂死之命無任哀禱之至

藥山縣北九十里山頂有長嘯峯

唐僧惟儼夜嘯處

六羅崗縣西北三十里巒岫相延屬礧礧貫連望之儼若羅漢像者六故名

花山縣西北二十五里山多杜鵑花每春季橫卉若錦

長坡山縣西北二十里山不高峻深遠婉孌陰霽皆宜

植船山縣北三十里上有仙人洞洞口極狹不數武得一室廣不

盈畝有石磴存棋局宛然天成南隅一室大亦如之昔傳有仙

人寓焉漸水曲折環其下

虎齒山縣北二十里形如虎齒居民常以六月祭之不然有虎患

茶林山縣北三十里一名茶山產美茶

武陵縣志

卷四

四

平山縣北三十里一名武陵山一名武山

武山即武陵省文

一名太和山

亦名河狀山山阿有耆閣寺

雲林石譜云耆閣山出石石中有黃上目之為太乙餘糧色紫黑質

磊塊大小圓扁不一外多需綴碎石滌盡黃土即山椒有道德

空虛其小如拳者可貯小為硯滌或栽菖蒲最佳

觀觀東有虛白樓樓倚竹杪綠陰蒙密仰視不見日景石湍飛溜常挂簷端麗人面額不敢近下有崔婆井旁為白雲洞

即張虛白

醉臥處 洞口有巨石彎環如牛角俗名犀牛角有水出石下入武

陵溪山下石根潛行水中名石骨渡江

楊嗣昌河狀山記河狀山者山下出泉伏流而

入於河故相傳謂河狀山也一名武山水即武溪余讀水經注

沅水自綠蘿而下東逕平山西南臨沅水寒松上蔭清泉下注

棲托者不能自絕於其側則又有意乎茲山以為是平山也或

以為不然曰平山者將陵而不邱衍而不嵬也是山能乎余又

疑之夫綠蘿以下無山非無山也童而不樹澗而不泉遠而不

近之矣山形照水者東西南三面而東之趾為阻不及水數百  
步西南兩足濯水中南與東作勢起為峯而西則笑而展其腋  
自西東皆有術以緣其頂而西為陡東少遲南之腹有緝路傾  
曲而上之遊人不徑也自山外望山未至三十里輒見之狀如  
老龍鱗甲怒張憑高下飲而其色如黑霧一道風雨從之漸逼  
山前則草樹離離色狀俱改了不知向所見為橫嶺為側峯也  
山雖削出達其上則平道宮房舍地皆如掌而無精構可以憑  
臨惟東一郭蓋樓虛遠瞰郡城田舍井邑分明在眼而與善卷  
一峯尤巧相直天日晴霽浮翠之色若可以呼吸而得之風煙  
雨霧苟未甚至於晦冥則皆不足以隱蔽而此山膚千峯挺立  
葉皆抱樹而生秋霜所過一赤如火此東一方之觀而西南觀  
則出山門乃可盡之門之右遙見沅水自綠蘿而東三折乃至  
山之麓自山麓而下更三折乃去之方其絕綠蘿至延溪駸駸  
乎來矣怒而舍之若有所望而避之以為其遠而不可狎也已  
而奔騰迅瀉濟出汨入突而至乎前凡撼山者三初撼而石外  
拒再撼而石內拒兩石相與銜而吐復茹茹復吐力且盡遂畢  
以撼山之根不為動則徐而去若猶有戀焉有屬志焉已東而  
西既往而復搗大溪之口如旋軍也延溪與大溪當兩折之中  
故相望不數里而木塘一片地如懸瓠如大腰特出其間溝壑  
聚落草樹陂塘佳麥良苗黃牛細犢皆圖畫種種烟霞不借

武陵縣志

卷四

五

工於筆札矣自山下皆沉潭魚鼈尤所借咏完篋敗笠斷艇橫  
植方去方來無夜無旦歌呼歎乃恆不絕聲江歙賈人語言滄  
亂衣裳詭製樓船罷勞謳其土風亦嚶嚶不已冠蓋驛使相望  
於道途車馬鈴聲時吼於澗谷童子之洞簫道人之山磬林禽  
之夜啜水鳥之朝嘲咸滿幽人之耳嗜其至矣哉猶未也規者  
為井井吾不知其鑿也潔者為泉泉吾不知其源也自日而夜  
濺濺然自春而冬浚浚然揚之而不殷抑之而不舖不腐於其  
止不溢於其閑嘗之一滴而味踰乎金錫之甘吾不能自絕於  
其側而彷彿之為平山也袁宏道九日登河嶽山詩高閣俯蒼  
崖下有花源路料得避秦人入山從此去潭水浣山膚膚盡紅  
霞露老蛟挾瘦石千古盤渦怒溪上盡漁郎誰識花流  
處事往白雲新人去青山故挂却茱萸囊長嘯倚丹樹

黃土山縣西十五里一峯拔地起有水環山麓為漸水之一源

丹石可  
供繪事

高吾山在平山側一名西山岡巒沓合下有高吾洲一水環之

卽武陵溪  
晉漁父黃道真隱此明陳  
洪謨於其旁築高吾書舍

鹿山在高吾山後宋元嘉初武陵溪人射鹿逐入石穴見有梯緣上豁然開朗桑果靄然歸以桃樹記之後尋莫知其處

以上為武陵西境之山

木瓜山縣東十五里有寺

相傳李白謫夜郎時宿此考白謫夜郎半道已放還其寄王子明詩云去歲左

遷夜郎道今年勅放巫山陽是也况白集中載木瓜山詩雜於登宣城樓望天門山登敬亭山諸詩前後疑金陵當有木瓜山

後人因附會於此

以上為武陵東境之山

九龍山縣西南一百二十里山從古鑛山迤邐而來至此九峯並

峙嶽峯崩劣高入雲表為沅江以南諸山冠

仙池山縣西南一百一十里山頂有池故名

### 武陵縣志

### 卷四

善濟山縣西南八十里昔有妖女祠唐時袁映焚之妖遂息後人

因名山曰善濟立袁烈士祠

古城山縣西南七十里古隄虛境自然間存碑碣疑即司馬錯

城

浮球山縣東南五十里明洪武時有人結草安禪曰仙峯寺後改

名浮球

石磬山縣南四十里一名砦子岡後兩獲石磬更令名

金雞堤縣南四十里土人傳為郡城故址

五泉山縣南四十里山下有泉五味各別有甘者冷者溫者淡者

重者每旱愈噴湧資以灌田

盤古山縣南三十里上有盤古寺創自唐同光元年

以上為武陵西南境之山

金霞山縣南八十里山勢高聳入雲幾不可仰遠拱郡城寸爽可  
挹日薄崦嵫餘光燭之蔚為天然脂茜遙望日不給賞

半邊山縣南七十五里危峯隱起孤指天外陽有真武廟其陰峭  
壁直下阿中藏風雨二洞麓有青龍白龍二井泉甚甘冽

滄山縣南一百里嶙峋皆萃如在天表朝夕有白雲覆其上若罌  
罍然上有一石寬平可徑寸俗呼孟子岩疑有孟姓之人讀書其上

香爐山縣南九十里危峯插漢形似香爐故名每清晨霧吐幾疑  
空際蕪旃檀但無七寶莊嚴耳

武陵縣志

卷四

獅子山縣東南六十里山有寺寺後峭壁直下數十丈至絕壑中  
有古洞

陡山縣東南五十里枉水之源演迤繞麓而北

翠微山縣東南四十五里林陰沉冥中多幽致

善德山縣東南十里北臨沅水本名枉山又名枉人山隋開皇中刺史樊子

蓋以善卷嘗居此改名善德山山最高處為孤峯頂頂有善卷壇明萬曆間郡

人楊時芳建浮圖於其下觚入面而九梯之後知府劉一全又

於浮圖前築樓三層祀善卷屈原及滄浪漁父樓旋圯 國朝

知縣翁運標重修浮圖刻常德八景詩於其上下有石磯臨江

方廣丈餘傳為善卷釣臺山內有白龍井烏龍井鉢孟泉蓮花

池桂花園有二寺曰寶華曰乾明循麓而上石路陰森松杉茂

密中有亭坐卧其間塵意俱散

袁宏道遊德山記甲辰夏月子與衲子寒天冷雲雪照及居士

張明教小僧習之弟小修習靜荷葉山中約以秋涼入德山至  
入月初旬暑氣微減小修入黃山于適有便舟遂偕衲行十四  
日發舟孟溪十五夕看月馬湖湖與洞庭接水光千里生平看  
月此為雄快十七日晨抵德山潭下江上望山如卷石微見菁  
林已薄岸行得委巷崖綠翳日有邱焉如覆鎗樹蔽之根猛猛  
若瘦臂擎石而上兩巒之凹為洞前則茉莉夫人鬼宮道也塔  
院踞澗後負高峯面層壁慈善多古樹院內外皆田兩巒相讓  
而却初讓為澗再為院為田最後讓益甚地益坦兩山之勢益  
張遂為佛廬入門多古杉栢殿堂高廣像設益奇大譬如阿房  
舊址見者知其非漢以後帝王居也從殿齋而右多美箭幽崖  
相蔽折而上即峯頂頂有善卷壇崖桂盛開芳香襲一山數蔽  
宇架其上敗人意幾欲下而瞰壇上光景意勃勃從烈口下望  
望復避避復往山翠水光匝而繪之使有佳士撤其冗室間為  
亭榭軒楹幽德山一絕景也茲山中勝處山僧多不到到亦不  
解余與諸衲徧覽諸奇如三桂林之幽敞可室青蓮舍左崖可  
亭法堂西之小靜室多方竹處可榭可閣無論幽邃靜勝其間

武陵縣志

卷四

八

萬圍之梓尺圍之篁亦非他處所有也山後面有地空澗河流  
漲其前直見雉堞田產烟嵐疊坡而出葺而廬之可置叢林使  
德山法道再興當不舍此為僧邸也入德山一日登覽略盡而  
龍君載酒來飲極歡盡三日夜乃罷別後暑氣大作遂坐山中  
與諸衲極談慶快無量至九月六日始入城詣兩龍君兩龍君  
者長君超孝廉次君御民部與予兄弟有宿好奇士也崔嘉過  
德山寺詩一逕入叢林天風散梵音路晴泥尚滑牆敗竹斜侵  
布穀春方及催耕日未沉偶來成憩息因悟老禪心周必大善  
德山二首聞來楚望看江山水澗分流又一灣古剎經行修徑  
裏孤峯環繞翠筠間昔人舊塔今雖在道價高風不可攀因念  
叢林宛如舊當年有願幾時還四望村深面面山臨流用舍滿  
江灣僧居樓閣翠微外人在烟波款乃間露重天寒何太早橙  
黃橘綠已堪攀風光無限吟難盡他日重來且暫還查慎行再  
遊德山為雪雨所阻留宿乾明方丈次石間周益公詩韻二首  
但令興到便登山路轉崑鷲第幾灣福地自留蒼翠外關身偏  
在亂離間殘碑日月看仍在前輩風流許再攀五百年來如轉  
盼知從何處證無還城外清江江上山依然白浪轉蒼灣雪飄  
燈事闌珊後春到梅花淺淡間竹樹一邱迷出入樓臺幾處記  
躋攀茶烟芋火前因在信宿留人未遣還陳長鎮善卷臺詩古  
帝空岐路先生有舊臺堯風迷遠樹舜日照荒萊鶯囀儀鳳香



山鳴降水來時雨霽雲根穿石潤龍骨截江回草暖青三秀楓  
寒綠一堆光華殘暮嶙嶙莫老春苔瀨急縈鮫淚巖深墜麝胎  
衫衣勞躑躅蘿帶自彎隈吳郡道句水嵐涌浮  
屠迥煙收遠梵哀襟期不可卷倦眼倚風開

仙峯山縣東南八十五里時有雲氣覆之疑為羣仙所都

龍會山縣東南八十里兩崖交簇名龍會口上三峯矗立如卓筆

然雙流環其下亘以石梁名回龍橋環橋列小市數間迤西有

原平曠廣十餘畝北有阜隱然羣木覆之芝莊楊氏聚族於此

黃塘嶺縣東南八十里

府志謂朱子曾過黃塘嶺以有己過黃塘嶺欲覓桃花源之詩句考朱子年譜並未

至常德文集載此詩乃紹興壬申在同安時作

磨石山縣東南一百里

石盤山縣東南一百一十里

山頂有地平一畝中列方石濶丈餘宛然棋局有石數顆大如拳圓若棋

### 武陵縣志

### 卷四

九

子南北各設一石一石旁留巨掌跡深寸許指紋縱橫風月之夕山僧習聞碁聲尋之復無所得

以上為武陵東南境之山

川

沅水在縣南源出貴州平越州至高吾山始入縣境有武陵溪水

自北來注之又東至河湫山南折東南流有大溪口丁家港水

自西南來注之又折東北至縣城南有杆水自南來注之又北

分支流入漸水為馬家越其經流又東有老渡口水自南來注

之又東至牛鼻灘復北分支流入漸為流花口其經流又東有

滄港水自南來注之又東逕龍陽縣城北至鼎口與漸水故道

合又東至沙夾合今漸水東入洞庭湖

朗水縣西南八十里

按唐代名武陵以朗州因此然縣南別無朗水蓋沅水至此之別名或牽引黔陽之朗溪

為言則去此遠矣又按舊志稱漢何劭封此為朗溪公何劭乃晉人非漢人殊失考

龍灣縣西三十里

竹灣縣西二十里

青泥灣縣東五十里

楊樹潭縣東十五里

德勝潭縣東二十里

白沙洲縣東三十里

正灣縣東三十五里

牛鼻灘縣東四十里

### 武陵縣志

### 卷四

以上為沅水至武陵所運之道

馬石溪縣西二十里沅水至河峽山東三里許北分支流抱丹洲而下至青泥灣萬善橋仍合沅水

汜洲河縣東三十里沅水至德山下之老渡口南分支流環龍陽大汜洲至牛鼻灘之南仍合沅水其大汜洲即吳丹陽太守李衡種橘處晉成康中枯樹猶存其橘實皮薄味甘人呼之為絹柑至今殘籬剝棘間尚有遺株每秋晚冬寒黃垂纍纍

以上為沅水至武陵分支流仍合沅水者

馬家吉縣東十里沅水至此北分支流運新陂橋欄門口至洪門口會漸水

小河口縣東四十五里在牛鼻灘下內有三汊河分二支流一出龍大吉出芙蓉港匯塌湖至下窖南會沅一由馬臉湖逕韓公渡至崇孝港北會漸達荆江者由此可避洞庭之險

以上為沅水至武陵分支流合漸水者

武陵溪縣西三十里至平山西注沅

附錄孟浩然武陵泛舟詩武陵川路狹前棹入花林莫測

幽源裏仙家信幾深水迴青嶂合雲渡緣溪陰坐聽間猿嘯彌清塵外心

余家港縣西十五里

此與武陵溪為武陵北條入沅之水

大溪港縣西南三十里

丁家港縣西南二十五里

### 武陵縣志

### 卷四

沙石港縣南十里

在水縣東南十里溪上小灣謂之在渚楚詞涉江篇朝發枉渚即

此其源有二西源自安化界分水坳東流為花巖溪逕連四橋

金家坊又東北逕沙溪坪歷泉唐觀出兩汊港東源亦近安化

界出孔家坊東逕滄山西麓又逕金霞山東麓歷黃土店逕興

隆街亦出兩汊港二源既會北逕陡山歷草坪逕黃石港東逕

茅灣至在山西注於沅約行百七十里舊志謂源出在山西誤

注云沅水又東歷小灣謂之在渚渚里許便得在入山山西帶循溪百餘里茂竹嫵媚披溪蔭渚長川逕引遠注於沅其說雖

畧而確

新興河縣東三十里源出分水坳

在縣東南六十里非在水源之分水坳

東逕金鱗

橋歷團山又東北逕高家港至蕭家湖有石門橋水自西北來會北折至老渡口注於沅約行六十餘里

滄港縣東六十里水源自武陵南境桃花溪歷滄山東麓東逕磨石山又東北逕沿山橋又北東逕火燒崗又東逕月亮崗又東逕五寶山又東南逕黃龍山又東北逕靈山折毛家灘至窰頭湖尾與青泥湖水合東出滄港注於沅約行二百餘里

以上為武陵南條入沅之水

漸水在縣北一名澹水一名興水

水經注云澹水出漢壽縣西陽山南流東折逕其縣南今考漸水之源實出浮山西南麓六角埡東南流三十餘里陽山之水始自東北來會東折逕花山又東逕長坡山南逕潛水橋入柳葉湖會府城北七里橋及馬家吉諸水逕崆嶲故城匯入鷹湖出韓公渡歷崇河出鼎港此故道也自元未開洪門口以消沅

### 武陵縣志

#### 卷四

水之漲國朝知縣許順復開十丈由是沅水助漸水之勢泛溢四出而吐珠渡於塞漸水遂由洪門口出泥港會牛鼻灘小河之水逕侯家港至茄子港與澧州之麻河匡口水合又分為毛家堰連山湖雞湖出皮家河下逕龍船港又北逕毛公渡東歷白泥湖由楊家洲港出沙夾潭口注於沅非復往時故道矣

潛水縣北二十里漸水至此之別名舊志以為湖源九溪下合大江者非上有橋名潛水橋

附錄劉禹錫秋日送客至潛水驛詩侯吏立沙際田家連竹溪楓林社日

鼓茅屋午時雞鵲噪晚禾地蝶飛  
秋草畦驛樓宮樹近疲馬再三嘶

鷹湖縣東北六十里漸水所匯並受縣東北諸小水周圍約六十里

笠湖縣東北七十里湖中有洲其形如笠

崇孝港縣東北八十里即崇河一名從河相傳孝子傳羅卜居此

故名崇孝 按水道提綱稱從河有三源一出武陵西北黃土山經七里鋪折東北流一曰善橋河又出其西北東南流一曰自生橋河又出其西北陽山亦東南流合而至從河此三源實皆漸水上流也善橋河即出浮山者自生橋河則出陽山西麓者七里鋪河則縣城北之小水入鷹湖者從河即崇河可無疑矣

以上為武陵漸水所逕之道

黃泥灘縣北七十里

牛溪湖縣北四十里至謝家洲入漸

沾天湖縣北三十里至植船山溪口入漸

何家溪縣北二十五里

陽溪縣北二十里

李廣溪縣北二十里

武陵縣志

卷四

七

便河縣北關外元郡監哈喇以民艱輸運乃從北關外起至潛水十五里開河以便之歲旱因以溉田民甚賴焉

穿紫橋水縣西北八里有數源一縣西二里烏龍港水逕新口橋至穿紫橋一縣西七里白馬湖受縣西鄉之水又合湖旁采菱澗水東逕楊家橋至穿紫橋一縣北十五里黃土山水逕曇花寺栗木橋至穿紫橋數水既合折北流又折南流逕七里橋至蔡家橋與便河合又縣城內秀水斗門之水自西南來會乃北逕戴家橋入柳葉湖

柳葉湖縣東北十里受縣治近城東西北三面之水入漸龍鷹昔有濼圍在湖上已圯

港南湖縣東關外半里已淤無幾

羅卜港縣東五里亦因孝子傳羅卜而名俗訛羅葛港

團州湖縣東北四十里水自馬家吉來匯入東溪港

牛溪湖縣北四十里

東溪港縣東北四十里受馬家吉水為洪門口出水之所

石公橋水縣東北六十里有二源北源出鳳凰山逕三渡港南源

逕楊家橋歷石公橋入冲天湖

直山湖縣東北八十里有發洪寺

周家店水縣東北九十里源出白雲山入考功堰逕白頭湖與安

鄉縣麻河諸水會而入漸

### 武陵縣志

### 卷四

十四

以上為武陵北條入漸之水

按武陵西北多山東北多水漸水在西北一小溪流耳至東北匯諸

湖澤而與沅會又下且與澧會矣然漲則汪洋萬頃涸則舟楫不通其源短也究之武陵東北即為洞庭西汶所築隄障乃淤長洲岸且北水漲則荆江自虎渡口來灌與澧水自北而南流若南水漲則沅水由馬家吉及小河口自南而北流或南北皆漲資洲之水皆合洞庭湖騰澎湃布袋口彌月不消則下水逆泥謂之壞水武陵東北悉為巨浸矣

東湖縣城東門內旁有鐵船廟

柳映池城東報恩觀內以柳交蔭堤上故名

明月池俗名放生池城西天慶觀內

雙柏泉府署戒石亭左知府楊瑛得於雙柏下故名

胭脂井府西耆壽坊內其水可染疑卽丹砂井

無咎泉珠履泉北

果行泉大善寺前

灌劍泉修真觀內

聖惠泉修真觀前同知吳資開

澄清井城東古按察分司前

橘香井城東

四眼井城西

博濟井城西

銅板井繡衣坊南

功德井慶豐巷街前

德一泉天慶觀左其水澄徹甘美

武陵縣志

卷四

五

玉派井天慶觀前

江信泉靈樞觀前舊傳脈通江水其淺深皆與江水相應故名味亦甘冽

龍坑城西門外

義井縣北三十里明榮藩鑿以惠行路

仙姑井縣四十里其泉冬溫夏涼久旱不枯上有仙姑廟

師姑井縣北七十里其泉四時不絕

胡家井縣東南六十里地名牛橋其水四時不絕至除夕之日而

枯居民洵淨祭之次年元旦子刻仍滿溢如常

孝女泉縣北六十里旁有孝女祠